



Schnitzelbank 1922.

Melodie: Studio auf einer Reis etc.

1. Jetzt kunnt wieder, Gottseidank, Jupeidi, jupeida!
'D Zyt, wo immene Schnitzelbank, Jupeidieida!
Me-n-alles offe-n-use sait:
Und mir sind nit uf d'Schnuure keit!
Jupeidi, Jupeida, Jupeidifallera!
Jupeidi, Jupeida, Jupeidieida!

2. Isch das nit e-n-Affenschand,
As **die** zwei Krach händ mitenand!
Und 's End vo där Notar-Kummedi?
'S sind Lugikaibe alli Beedi!

3. Bi unsere drei **Socibletter**
Do wirs täglich als wie netter!
Si diend sich in der eigene Gille
Als gesittig ummedrille.

4. **Bummi** gäll, jetz hesch fir's murre!
Uf di roti Freilaufschnurre
Haut dr eis der A. H. W.
Du hesch 's Fiir im Elsass gseh!

5. **Arbetslosi Bolschewische**
Wänd sich bi uns inenische.
Si kemme do in Grossrotssaal
Und mache gli e Mordsskandal.

Wo si dno ihr rote Flänke
Iber d'Lähne iberehänke,
Het der Presidänt mit Schneid
Die Rasselbande usekeit.

6. **Gwärbinschpäcker** fuule Fluech!
Gäll, jetz wird's dr aber gschmuech!
Sogar d'Sozi die sind froh
Dass du hesch der Tritt biko.

7. **Zmagge Grax**, oh du Kamuff!
Gisch di sichere Pöstler uff!
Wart, dir goht's, du ytle Gimpel
Wie im Dokter Rothepimpel!

8. Wenn naime zwei so harti Grind
Wie im „**Naturschutz**“ zämme sind
Dno gits e Krach. Und dä isch ko!
Der **Sparesi** het miese go.

9. D'Nora **Pischer-Vassewangi**
Redet wie-n-e Haiwogschangi.
Ihr Handglenk isch au nit vo Pappe,
Vo där wott-i kais in d'Klappe.

